



BA: 7/1-904/26-2613

PLATFORMA

za učešće potpredsjednika Vlade za međunarodne odnose i ministra vanjskih poslova mr Ervina Ibrahimovića na neformalnom sastanku ministara vanjskih poslova država članica EU i država Zapadnog Balkana na marginama zasijedanja Savjeta za vanjske poslove (FAC) i sastanku Međunarodne koalicije za povratak ukrajinske djece, Brisel, 11. maj 2026. godine

I UVOD

Potpredsjednik Vlade i ministar vanjskih poslova mr Ervin Ibrahimović, na poziv visoke predstavnice EU za vanjske poslove i politiku bezbjednosti Kaje Kalas, učestvovaće na neformalnom sastanku ministara vanjskih poslova država članica EU i država Zapadnog Balkana na marginama zasijedanja Savjeta za vanjske poslove (FAC), koji će se održati u Briselu, 11. maja 2026. godine.

Neformalni sastanak ministara vanjskih poslova država članica EU i Zapadnog Balkana predstavlja politički i funkcionalni instrument "rane integracije", budući da omogućava državama kandidatima da, kroz razmjenu mišljenja o temama od značaja u oblastima vanjske politike, bezbjednosti i zajedničkih vrijednosti, učestvuju postepeno u političkim procesima i strateškim raspravama EU.

Potpredsjednik Vlade i ministar vanjskih poslova mr Ervin Ibrahimović, na poziv visoke predstavnice EU za vanjske poslove i politiku bezbjednosti Kaje Kalas i komesarke EU za proširenje Marte Kos, učestvovaće na sastanku Međunarodne koalicije za povratak ukrajinske djece, koji će se održati u Briselu, 11. maja o.g.

Međunarodna koalicija za povratak ukrajinske djece, inicirana od strane Evropske unije, vlada Ukrajine i Kanade, osnovana je u februaru 2024. Članice koalicije su, između ostalih, UK, SAD, Italija, Albanija, Hrvatska, Francuska, Njemačka, Italija i Sjeverna Makedonija.

I ZNAČAJ UČEŠĆA

Učešće potpredsjednika Vlade i ministra vanjskih poslova na neformalnom sastanku ministara vanjskih poslova država članica EU i Zapadnog Balkana na marginama zasijedanja Savjeta za vanjske poslove predstavlja priliku za potvrđivanje nedvosmislenog opredjeljenja Vlade evropskom putu Crne Gore i posvećenosti ispunjavanju obaveza iz evropske agende kako bismo postali punopravna članica do 2028. godine.

Na sastanku ministara vanjskih poslova zemalja članica EU i ministara vanjskih poslova država Zapadnog Balkana biće riječi o globalnim izazovima i njihovom uticaju na Evropu i region Zapadnog Balkana, te načinima putem kojih se zajedničkim naporima isti mogu prevazići. Dodatno, sastanak će biti posvećen zajedničkom interesu promocije stabilnosti i bezbjednosti u regionu i saradnji u okviru Zajedničke vanjske i bezbjednosne politike, uključujući i kontinuirani angažman u okviru vanjsko-političkih prioriteta EU.

S tim u vezi, predstojeći neformalni sastanak ministara vanjskih poslova država članica EU i Zapadnog Balkana predstavlja mogućnost za razmjenu mišljenja i reafirmaciju bliske saradnje zemalja Zapadnog Balkana i Evropske unije. Zajedničkim djelovanjem EU i regiona Zapadnog Balkana može se doći do konsenzusa o sprovođenju neophodnih mjera u cilju odgovora na aktuelne krize i daljeg jačanja našeg jedinstva i partnerstva.

Učešće potpredsjednika Vlade i ministra vanjskih poslova Crne Gore, Ervina Ibrahimovića, na sastanku na visokom nivou Međunarodne koalicije za povratak ukrajinske djece predstavlja važnu priliku da Crna Gora potvrdi svoju posvećenost zaštiti djece u oružanim sukobima i poštovanju međunarodnog humanitarnog prava. Aktivnim angažmanom na ovom skupu, koji okuplja ključne međunarodne aktore, Crna Gora može doprinijeti jačanju napora za pronalaženje, povratak i reintegraciju nezakonito deportovane ukrajinske djece, kao i unapređenju mehanizama odgovornosti za počinjene zločine. Istovremeno, učešće na ministarskom nivou dodatno učvršćuje vanjskopoličko pozicioniranje države u skladu sa prioritetima Evropske unije i partnerskih zemalja, te jača njen kredibilitet kao konstruktivnog i pouzdanog međunarodnog partnera.

II SASTAV DELEGACIJE

Delegaciju Crne Gore koju će predvoditi potpredsjednik Vlade za međunarodne odnose i ministar vanjskih poslova mr Ervin Ibrahimović činiće:

1. Petar Marković, ambasador, šef Misije Crne Gore pri EU;
2. Ivan Ivanišević, v.d. generalnog direktora Generalnog direktorata za EU u Ministarstvu vanjskih poslova;
3. Jovana Duković, prva sekretarka u Birou za odnose sa javnošću u Ministarstvu vanjskih poslova.

PREDLOG ZAKLJUČAKA

Vlada Crne Gore je, na sjednici od _____ 2026, razmotrila i usvojila Predlog platforme za učešće potpredsjednika Vlade za međunarodne odnose i ministra vanjskih poslova mr Ervina Ibrahimovića na neformalnom sastanku ministara vanjskih poslova država članica EU i država Zapadnog Balkana na marginama zasjedanja Savjeta za vanjske poslove (FAC) i sastanku Međunarodne koalicije za povratak ukrajinske djece, Brisel, 11. maj 2026. godine.

Vlada je za članove delegacije, koju će predvoditi potpredsjednik Vlade Crne Gore za međunarodne odnose i ministar vanjskih poslova mr Ervin Ibrahimović, odredila:

1. Petra Markovića, ambasadora, šefa Misije Crne Gore pri EU;
2. Ivana Ivaniševića, v.d generalnog direktora Generalnog direktorata za EU u Ministarstvu vanjskih poslova;
3. Jovanu Duković, prvu sekretarku u Birou za odnose sa javnošću u Ministarstvu vanjskih poslova.

Troškove učešća crnogorske delegacije na sastanku u Briselu snosi Ministarstvo vanjskih poslova.

Zadužuje se Ministarstvo vanjskih poslova da o navedenom učešću pripremi i Vladi dostavi izvještaj.